



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Art. III. De Gula.

urn:nbn:de:hbz:466:1-40986

Etis, & rebus creditis violatur. Mortalis
est in re gravi contra justitiam.

6. Proditio, quæ est manifestatio rei
alicujus, vel personæ, in proximi damnum
contra fidem ei debitam. Mortalis est ex
genere suo contra charitatem, & justiti-
am; & contingit tripliciter. 1. Circa
personam, quo modo Judas Christum
prodidit. 2. Circa res, ut si miles decla-
ret hosti modum capiendi arcem; vel si
alterius vestem, pecuniam, &c. abscon-
ditam prædoni ostendas. 3. Prodendo
alterius secretum suæ fidei commistum.

ARTICULUS III.

De Gula.

Q. I. *Quid est Gula, & quale pecca-
tum?*

Resp. I. Gula est inordinatus appetitus,
vel usus cibi, aut potūs. Unde opponitur
abstinentiæ, & sobrietati. Sumitur ali-
quando strictius prout continet inordina-
tionem solum in cibo, & potu non ebrian-
te. Ex S. Gregorio committitur quin-
que modis. 1. Si edas ante tempus. 2.
Si nimis exquisita, id est, pretiosiora,
quam conveniat tuo statui, vel necessitatii.
3. Si plus justo. 4. Si voraciter. 5. Si
ni-

nimis exquisitè præparata. Juxta hunc
versum.

*Præpropere, laue, nimis, ardenter, stu-
diose.*

Quod spectat ad qualitatem cibi, & po-
tūs, hæc debet esse accommodata statui,
conditioni, facultati, infirmitati, necessi-
tati personarum, & loco, ac tempori.

*De quantitate autem cibi, & potūs non
potest dari una certa regula omnibus se-
cundūm eandem mensuram. Sed plus, &
minus exigitur secundūm varietatem com-
plexionum, & fatigationum. Unus etiam,
& idem plus indiget uno tempore, quam
alio, secundūm dispositionem sui corporis
... tantū ergo potest, & debet quis co-
medere, & bibere, quantum credit se in-
digere ad sustentationem, & executio-
nem eorum, quæ sibi incumbit agenda;
ita ut non usque ad nauseam sumat, sed
cum aliquali adhuc appetitu finem faciat.
Cùm autem ex delectatione cibi, vel potūs
plus sumit, quam sibi dietat conscien-
tia opportunum, tunc peccat. Ait S. An-
tonin. p. 2 Tit. 6. c. 1. q. 5. peccat inquam,
etiamsi vilissimi sint cibi, & potus, ut pau-
lo ante notat post S. August. quil. 10. Conf.
c. 31. ait: *hoc me docuisti, quemadmo-
dum medicamenta, sic alimenta, sumpu-
rus accedam,**

*Resp. II. Peccatum gulæ mortale est in
multis casibus, unde ad Gal. 5. comeſſa-*

Tom. I.

T

tio-

tiones inter opera excludentia à regno
Dei numerantur. Et 1. quidem ratione
affectionis graviter inordinati, quo quis ita
inhæret oblationibus cibi, vel potūs, ut
in iis finem suum ultimum constituat jux-
ta illud ad Phil 3. *quorum Deus venter est.*
Idque quamvis solum interpretativè, ut
cùm quis ex affectu gulæ paratus est pecca-
re mortaliter: nam hoc ipso, quod morta-
liter peccet, Deum propter voluptatem
deserit, hancque illi suo factō præfert.
Item cùm quis nil querit aliud, quam eden-
di, & bibendi voluptatem, ad id cogita-
tiones, ac euras ferè omnes referendo, nam
is vitæ finem in delectatione cibi, vel po-
tūs ponit. 2. Si quis bibat ad ebrietatem. 3.
Si quis ob solam voluptatem cibo, & potu
usque ad vomitum scienter se ingurgitat;
nam hoc, etiam seclusis scandalo, & ebrie-
tate, continet gravem inordinationem, ac
periculum lædendi sanitatem, & graviter
reprehenditur ab Isaia c. 28. *Omnes mensa
repleta sunt vomitu, sordiumque.* Idem
dic, si quis postquam multū comedit, ad
vomitum se excitet, ut iterum ob solam
voluptatem edat: nam hoc graviter dede-
cer naturam rationalem præsertim eleva-
tam, estque plusquam bestiale. 4. Ratio-
ne gravis nocimenti, quod quis ob gulam
sibi, aut familiæ suæ, aut creditoribus in-
fert, sanitatem corporis graviter lædendo,
se reddendo impotem ad solvenda debita,
filios,

filios, vel filias in statu convenienti non collocando; item non opitulando gravem necessitatem patienti; aut si inde notabiliter ineptus fiat ad functiones aliquas, ad quas sub mortali tenetur, &c. 5. Si quis, saltem extra necessitatem extremam, carne humana, aut sanguine vescatur. *Ita commun.* nam hoc est contra honorem defunctis debitum, & contra ordinem, ac instinctum rectum naturæ: unde ab hoc tanquam à re valde inordinata, & extremæ feritatis abhorruere gentes omnes non penitus barbaræ. Licet tamen uti carne humana in medicamentis, quia tunc sic alterata est, ut dici nequeat carnis humanæ sumptio. 6. Ratione gravis scandali, vel periculi peccandi graviter.

Extra hos casus peccatum gulæ est solum veniale. *S. Thom.* 2. 2. q. 14. 8. a. 2.

Q. 2. Quænam sunt Gula remedia?

Resp. Hæc 1. Considerare gulæ incommoda, ac damna: quippe intellectum obnubilat, mentem deprimit, bona desideria extinguit, aggravat animam, reddit hominem ineptum ad sua officia, & exercitia spiritualia; impedimenta apponit gratiæ divinæ, & gaudiis spiritualibus; vitam minuit, morbos, & multa peccata parit; aditum vitiis aperit, & intercludit virtutibus. Item cogitare, quām citò transeat

T 2

cibi,

cibi, & potūs delectatio, gravia autem mala ex gula orta maneant.

2. Vitare occasiones.

3. Sectari in omnibus temperantiam, nil ultra necessitatem convenientem edendo, & bibendo.

4. Semper sibi in mensa subtrahere aliquid modicum, quod adhuc licet sumi posset, & præsertim, quod magis arrider palato.

Q. 3. Quid est ebrietas, & quale peccatum?

Resp. Ebrietas est excessus in potu usque ad violentam privationem rationis, ejusque potestatis proximæ. Est peccatum mortale, ut inter omnes constat. 1. Ex Isa 5. *Væ qui consurgitis mane ad ebrietatem secundam.* Et 1. Cor. 6. neque ebriosi regnum Dei possidebunt. Vox Graeca significat Ebrios. & ad Gal. 5. ebrietas recensetur inter opera carnis, quæ excludunt à regno Dei. 2. Ex consensu Patrum, & Doctorum. 3. Quia est gravis inordinatio, & difformitas violenter adimere sibi potestatem proximam utendi ratione, exercendi opera virtutum, & sua munera, vitandi malum, faciendi bonum, & subveniendi necessitatibus subitis animæ, ac corporis: atque ita se ad brutorum stoliditatem abjecere, & imaginem

Dei

Dei deturpare. Ebrietate autem hæc potestas sic adimitur.

Quare non licet se inebriare, sive ad vitandam mortem ab altero intentatam: nam (ut ait S. August. Serm. 232. vel S. Cæsarius) etiamsi ad hoc veniretur, ut tibi diceretur, aut bibas, aut morieris, Melius erat, ut caro tua sobria occideretur, quam per ebrietatem anima occideretur. Nam ebrietas sicuti fornicatio non est medium ex se ordinatum ad vitandam mortem; sive medicamentum, quod tamen raro, & fere nunquam esse potest, cum teste Hypocrate ebrietas sit valde periculosa corporis sanitati. Ita S. Antonin. p. 2. Tit. 6. c. 3. ibi: *Non excusaretur per hoc quis ab ebrietate secundum Thomam, quamvis faceret causâ medicina: & per consequens peccat mortaliter, & sumens, nisi crederet ex illo potu non posse inebriari, & medicus, vel alius, cui hoc sibi scienter consuleret, & propinaret hoc existimans.* Nam ebrietas quovis modo intenta, ac procurata, semper graviter disconvenit naturæ rationali, quæ rationali, cum violenter rationem perturbet, adimat potestatem, eâ utendi, & subveniendi necessitatî animæ, ac corporis, Dei imaginem fædet, atque hominem ad statum bruti redigat.

Nec dic ebrietatem consistere tantum in excessu vini, voluptatis causâ. Nam quamvis voluptas in nimio potu non in-

tendatur, tamen effectus recensiti semper sequuntur; & temperantia violatur, cùm immoderata potūs, vel cibi sumptio, præciso hoc, vel illo fine, ei opponatur: neque enim ad violandam aliquam virtutem necesse est agere ex voluptate. Enimvero si duo proposito præmio inter se contenderent, uter illorum plus vini biberet, & usque ad privationem rationis biberent absque voluptate, imò cum molestia, saltem quantum ad excessum: num contra temperantiam peccarent, & ebrietatis malitiam contraherent? Et ideo SS. Patres excessum vini sine ulla exceptione semper damnant.

Ut autem ebrietas sit mortalís, sufficit quod sit voluntaria indirectè, vel interpretativè. Quare peccat mortaliter 1. qui expressè non vult se inebriare, sed tamen tantum bibit, quantum potest, non satis attendens, an sequatur privatio rationis, nec ne. 2. Qui probabiliter putans, vel suspicans secunduram privationem rationis, si pergit bibere, vel de hoc dubitans, adhuc bibit: quia saltem se exponit periculo ebrietatis, & vult ebrietatem saltem interpretativè. Item si hoc periculum advertere possit, & negligat, etiamsi privatio rationis solum eventura sit post unam alteramve horam, cùm nempe ad aërem prodibit. 3. Qui ex amicitia, vel urbanitate alium invitat ad haustus, quibus probabili-

biliter prævidet se inebriandum; quia invitat ad id, quod alter sine mortali facere nequit, & eum verè inducit in ebrietatem, vel ejus periculum. Idem dic de iis, qui alios ad æquales haustus incitant, vel cogunt, aut se invicem obligant, ex cap. 14. *De vita, & honest.* Cleric. nam saltem alios, vel se conjiciunt in periculum probabile ebrietatis. Similiter de iis, qui ebriosis, vel ebrietati proximis vinum subministrant, & de iis, qui non impediunt, ne aliis inebrietur, cùm commodè impere possunt.

Not. 1. Ebrietas sic est peccatum grave respectu omnium, ut sit gravius in quibusdam personis scilicet 1. Mulieribus obturitudinis, & luxuriæ periculum, tum in se, tum in aliis. 2. In iis, qui debent ex officio alios regere, ut sunt Patresfamilias, Magistratus, &c. 3. In Clericis, præferentim sacro Ordine insignitis, & maximè Curatis, tum propter scandalum majus, tum quia ebrietas est libidinis, fomes, ac nutrix; tum propter damna, quæ aliis oriendi possunt, cùm Sacerdos ebrius fungi nequeat officio in necessitate occurrente: unde à multis Conciliis sub gravibus poenis ebrietas illis speciatim prohibita est.

Not. 2. Ebrietas perfecta cognoscitur 1. Quando quis non novit discernere inter licitum, & illicitum; vel non potest solita officia exequi. 2. Quando quis postridie

T 4

non

non meminit, quid dixerit, egerit, quomo-
do domum redierit, &c. 3. Si ea fecit,
quæ nunquam integræ mente solet: ut si
turpia, vel absurdæ protulerit, cum alias
sit pudicus & prudens; si jurârit, blasphemâ-
rit, vel familiam perturbârit, cum alias
sit modestus, & benignus, &c.

*Q. 4. An mala, & peccata in ebrietate
culpabili commissa imputantur ad cul-
pam, ut cedes vulnera, blasphem-
mia, &c.*

Resp. Aff. Si prævisa sunt, ut verisimili-
ter securita, vel prævideri potuerint. *Est
commun.* quia sunt sufficienter voluntaria:
qui enim vult causam, vult consequenter
effectum saltem interpretativè; si hunc
cognoscat, vel cognoscere possit probabi-
liter ex ea securum: ad culpam autem
mortalem sufficit voluntarium indirectum,
& interpretativum. Ita S. Thom. I. 2. q.
77. a. 7. ibi: *aliquid potest esse voluntari-
um, vel secundum se, secundum quando volun-
tas directè in ipsum fertur; vel secundum
suam causam, quando voluntas fertur in
causam. Et non in effectum, ut patet in
eo, qui voluntariè inebriatur: ex hoc e-
nim quasi voluntarium ei imputatur, quod
per ebrietatem committit.*

Imò peccata, quæ probabiliter securita
novit ebrius, vel prævidere potuit, ei im-
pu-

putantur coram Deo, etiamsi reipsa postea non sequantur: quia istud est per accidens defectu objecti. Et quia se exponere periculo probabili peccati mortalis, etiamsi illud non perficiatur, est peccatum mortale ejusdem speciei cum illo, cuius probabile periculum adire voluit: nam hoc ipso tale peccatum indirecte, vel saltem interpretative volitum est. Secus de peccatis, quæ nullo modo prævideri potuerunt, quia nullo modo sunt voluntaria.

Q. 5. Quanam sunt filiae Gulae.

Resp. Ex S. Gregorio hæ sunt ex parte animæ.

1. Hebetudo mentis, seu stupiditas orta ex crapula. Est mortalis, quando quis ex intemperantia fit ineptus ad intelligenda, vel præstanda ea, quæ ad salutem ei sunt necessaria, aut ad quæ graviter obligatur. *Attendite vobis, ne forte graventur corda vestra in crapula, & ebrietate, & curis hujus vita: & superveniat in vos repentina dies illa,* &c. Luc. 21.

2. Inepita lætitia, quæ movet ad cantiones obscenas, actus turpes, choreas in honestas, &c. Mortalis est, quando est induciva ad consensum, vel actum, vel delationem mortalem, aut ad aliquid scandalum pariens.

3. Multiloquium, in quo invenietur stulta-

T 5 titia,

tia, nec deerit peccatum. *In multiloquio non deerit peccatum.* PROV. 10.

4. Scurrilitas, quæ excitat ad indecora, vel turpia agenda, aut dicenda, risus vendi causâ.

ARTICULUS IV.

De Luxuria.

Q. 1. *Quid est Luxuria?*

Resp. **Q** Est inordinatus appetitus, vel usus venereorum, aut voluptatis venereæ. Esse peccatum mortale ex genere suo inter omnes constat 1. ex ad Gal. 5. *Opera carnis, quæ sunt fornicatio, immunditia, impudicitia, luxuria ... que prædico vobis, sicut prædicti, quoniam quæ talia agunt, regnum Dei non consequentur.* 2. Quia cùm usus rei venereæ ex natura sua sit institutus, ac necessarius ad conservationem, ac propagationem generis humani, censetur res gravis: ergo inordinatio in hac materia est in re gravi, ergo mortal is.

Luxuria dividitur in perfectam, seu consummatam, quæ consistit in voluntaria effusione semenis; & in non consummatam, in qua non intervenit effusio semenis. Consummata duplex est; alia naturalis, quæ est voluntaria semenis effusio, in qua servantur conditiones, quas postulat natura a-

etius